



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

An opera bona sint peccata. tit. 162

urn:nbn:de:hbz:466:1-29452

ergo essentiali etsi omnes pares sumus, labor tamen & opera pro cōseruanda distributa gratia, & ipsius gratiæ donorum ac talentorum in negotio Euangelico, acquirit accidentale præmium secundum diversos gradus. Sic Cyprian. lib. 4. Epistol. 7. exemplificat de vnico Sole, qui ex æquo omnibus lucet, diuisus vt pauperibus: vsus tamē illius est impar, & alius acquirit minorem lucem, quàm alius: sic dies, sic semē in agro, Matt. 13. Hæc est summa fidei Catholica. Sic Christo honor suus, & operibus nostris præmium sine iniuria aliorum persistit. Hæc si secta cognouerent, omne certamen consileret.

Differunt:

Promereri salutem, & promeritam sibi applicare & apprehendere iustitiam promissam, retinereque bonum summum & capitale, essentialē & accidentale præmium.

*AN OPERA BONA
sint peccata.*

TITVLVS CLXII.



Quodam primò, quòd aliud est, omnia hominem esse peccatorem: & aliud, omnia opera hominis esse peccata.

Primum verū est, dicente Ioāne, Ioh. 1. Si dixerimus, quoniam peccatum non habemus, nos ipsos seducimus. Romanorum tertio. Omnes peccauerunt, & egent gratia & caritate. At peccare hominem in omnibus operibus, aut opera esse peccata & displicere Deo, falsum est. Nam Deus non præcipit peccatoribus infidelibus facere bona opera, vt media, per quæ impetrant vitam æternam: sed iam iustificatis per fidem & purgatis, Act. 15. Ideo fides facit, ne opera fidelium sint peccata, sed sancta & pura. Tamen in carne sumus peccatores, attamen propter fidem Deus non vult imputare im-

munditiam operum, quæ iam purificauit fides: alio-
qui si homo peccaret ieiunando, orando, & obedi-
entiam legis obseruando, &cæt. tunc Deus præciperet
peccare, quod est contra Psalmum 5. Quoniam non
Deus volens iniquitatem tu es. Sic obedientia Abra-
hæ immolando filium non peccauit, Genes. 22. Sic
opera Niniuitarum non erant peccata: alioqui non
impetrâssent spatium vitæ, Ionæ 1. Sic sine peccato
parentes Ioannis Baptistæ seruabant præcepta, Luc.
1. & 1. Corint. 7. Virgo nubens non peccat. Mat. 5. Lu-
ceat lux vestra coram hominibus, vt videant opera
vestra bona, & glorificent patrem &c. sed quomodo
peccata possent cum glorificare? Non etiam incipi-
mus ab operibus iusti fieri, sed à fide in Iesum Chri-
stum, quæ omnia purificat, &c.

Secundò, medium hîc tenere opus est, ne ita am-
plificemus & extollamus opera nostra, vt ea repute-
mus æqualia in virtute gratiæ & passione Christi. Nã
illa sola est propitiatio pro peccatis totius mundi, 1.
Ioan. 2. Illi soli tribuitur salus æterna. Nec sic exte-
nuanda, id est, paruipendenda sunt opera, tanquàm
peccata sordida & immunda. Nam sunt dona spiri-
tus sancti, Galat. 5. quæ operatur in nobis. Qui ergo
attenuat opera, etiam Deum spiritum sanctum & da-
torem contemnit. Sunt talenta, quibus negociari de-
bemus ad nostrum profectum, Matthæ. 25. Sunt ho-
stie, quibus Deo & proximo gratificamur, Hebr. 13.
Matth. 21. Esuriui, & dedistis mihi manducare, &cæt.
Ideo non sunt attenuanda. Nec vult obliuisci Deus
operum dilectionis, Heb. 6.

Tertiò, non sunt audiendæ sectæ, quoniam vna
sola est, Luteraua) docet, omnia bona opera esse pec-
cata, Altera (Anabaptistarum scilicet) dicit, Mala ope-
ra esse bona opera, & ex operatione spiritus sancti fie-
ri. Sed confundit Christus eos oratione dominica,
Matth. sexto. Primò debeo sic orare ad patrem: Pater
noster

noſter qui es in cælis, & cæt. Si hoc eſt peccatum, ergo docuit Chriſtus peccare, quod eſt falſum? Si non poteſt peccare Chriſtianus, ſicut Anabaptiſtæ mentuntur: Cur iubet orare Chriſtus, Ne inducamur in malum, ſed liberemur ab omni malo, & c?

*SVB LEGE ET SVB GRA-
tia quomodo eſt homo.*

TITVLVS CLXIII

PRIMò, Apoſtolus ad Roma 6. inquit: Nò enim eſtis ſub lege, ſed ſub gratia. Peccabimus ergò? Abſit. Sic quidè carnales dixerunt, Chriſtus liberauit nos à lege, & vocauit ad gratiam, ergo violare legem non eſt peccatum: Sic Anabaptiſtæ inſinuant. Sed notandum, quòd homo habet corpus & animam, eſt vetus & nouus homo. In corpore & carne hominis adhuc viuit auaritia, luxuria, ignorantia, ira, ebrietas, & cæte. Romano. 7. conqueritur Paulus, Non habitat in carne mea bonum, & quoniam vetus Adam adhuc viuit, idèd neceſſaria eſt corpori lex & flagellum, & ſarcina, & pædagogus, Gala. 3. & 1. Timot. 1. nè caro dominetur, idèd indiget fræno & lege. Ob id homo ſecundùm corpus adhuc eſt ſub lege.

Sic patres officioſi erant legibus, præceptis, regulis, votis, vigilijs, laboribus, omnia ad domandum carnem ne homo macularetur operibus carnis, 1. Corint. 6. Ephel. 5. Galat. 5. & priuaretur ſalute. He leges propter vitam ordinatam inſtitutæ ſunt. Non vt remitterent peccata, aut darent ſpiritum ſanctum & vitam æternam. Idèd lex & prophetæ vſque ad Ioannem, Matthæi. 11. & lex pædagogus eſt vſque ad Chriſtum, Galat 3, Lex reſpicit ad diſciplinam corporis, & cohibet illud, donec venerit ad alium effectum & opus, id eſt, Iuſtificationem. Ibi cedit lex, & oſtendit Chriſtum